

Ioannes de Curcy. familia fuit Ioannes ille de *Curcy* Vtoniæ in Hibernia expugnator, quem ad animi magnitudinem, gravitatem, omnesque alias virtutes magnum hominem & excelsum finxit natura, cuiusque spectatæ fortitudinis memoria ex annalium Hibernicorum vetustate est eruenda. Inde ad *Sterpoint* prominet sensim littus, ubi duo totius agri maxima flumina conflua uno ostio se evolvunt, *VZELLA* æstuarium Ptolemæo dicitur, ab *Iuell* flumine, quod jam antequam huc devenit, nomen deposuit. Oritur vero inter *Durotriges*, & quamprimum *Somersettensem* agrum ingreditur, *Euell* forum frequens suo nomine donat, rivulumque recipit, ad quem *Camalet* mons acclivis, & ascensu difficilis, in cuius vertice visuntur intermortui castris expressa vestigia, & egestæ terræ vallum triplex, quod suo ambitu xx jugera includit. Incolæ *Arthuri Palatium* dicunt: Romanorum autem opus fuisse, Romanorum numismata indies eruta docent. Quo autem nomine illis notum plane ignoro, nisi sit, quod *Ninnii* Catalogo *Caer Caemion*, pro *Camelion* transpositis literis appellatur. *Cadbury* viculus proximus conjectura satis probabili videatur fuisse illud *Cathbregion*, ubi *Arthurus* Saxones (ut author est *Ninnius*) memorabili prælio profligavit. Alterum hujus cognominis *North Cadbury* dedit Rex *Henricus Tertius* Nicolao de *Moeles*, qui duxerat *Hawisiam*, alteram hæredum *Iacobi de Novo-mercato*, cuius posterius diu summo honore claruerunt, donec *Ioannes* sub *Edwardo Tertio* moriens duas tantum reliquit filias, *Murielam*, & *Isabellam*; hanc *Guilielmi Botereaux*, illam *Thomæ Courteny* uxorem.

Ischalis. Iuclcester. Iucllus flumen hinc *ISCHALIN* à Ptolemæo memoratam petit, nunc *Iuelcester*, *Ninnii* catalogo, ni fallar *Pontanel Coit* pro *Pont Iuel Coit*, id est *Pons ad Iuell in sylva*, *Florentio Wigorniensis Guelcester*. Foro, & antiquitate sua tantum hodie celebris, Romanorum enim *Cæsarum* numismata aurea, ærea, & argentea subinde hic effodiuntur. Olim amplam fuisse, & duplici mœnium ambitu circumdatam ex ruinis apparet: sub ingressum *Normannorum* frequens erat, septem enim supra centum *Burgenes* numerabat. Tuta etiam tunc temporis & munita, siquidem anno salutis *MLXXXVIII*, cum *Angliæ* optimates nefaria opprimendi Regis *Guilielmi Rufi* consilia iniissent, ut *Robertum* ejus fratrem *Normanniæ Ducem* in Regiam dignitatem eveherent, *Robertus Moubray* vir bellicosus, cum *Bathoniam* succendisset, acriter, verum frustra hanc oppugnavit; sed quod ille non poterat, tempus nunc tandem quodammodo expugnavit.

Paulo inferius *Iucllus*, & *Pedredus* confluentes insulam amnicam moliuntur *Muchelney*, id est, *Insula magna*, dictam, in qua parietinæ visuntur veteris monasterii, quod *Athelstanum* Regem construxisse memorant scriptores. *Pedred* vulgo *Parret* in ipso *Australi* provinciæ limite promanat, obliquiori alveo per *Crockberna*, Saxonice *Cpuecne*, & *Pedderton*, cui nomen fecit, olim *Pedridan*, in æ regiam, quod nunc tantum foro, & nundinis celebrè, quæ *Henricus Daubeny* à Rege *Henrico VI* impetravit, delatus, hic *Iuello* influit, nomenque eripit. Quum in decursu à *III* ad *Ortum Britannia*.

milliari, *Montem Acutum* salutarit, quem *Comes Moritonii* frater *Guilielmi Primi* uterinus, qui castrum in ipso montis vertice, & cœnobium ad ipsius radicem posuit, sic dixit, eo quod sensim acuto apice attollitur; antea enim *Logoresburg* vocabatur, & *Bischopeston*. Castrum vero ante multos annos disparuit, saxi ad cœnobium, & ædificia alia instauranda asportatis. In ipso autem montis vertice positum erat postea Sacellum *S. Michaëli* sacrum, fornice & tecto ex solido saxo affabre constructum, in quod etiam per quingentos fere passus faxeis gradibus per montis circuitum ascendebatur. Nunc monasterio, & sacello diruto, maximo sunt ornamento ædes perquam speciosæ, quas *Vir CL. Edwardus Philips* Equestris ordinis, & *Regius ad Legem serviens* nuper ad montis radices construxit. Nomen hic locus fecit honoratissimæ familiæ de *Monte-acuto*, quæ à *Drogone Iuvene* originem traxit. E qua quatuor *Comites* fuerunt *Sarisburiae*, ultimus filiam unicam reliquit *Aliciam*, quæ ex *Richardo Nevill* suscepit *Richardum* Comitem *Warwici* celeberrimum, *Angliæ* turbinem, & *Ioannem* Marchionem de *Monte-acuto*, qui ambo ceciderunt in prælio *Barnetensi* *MCCCCLXXII*. Titulum autem *Baronis de Monte-acuto* *Henrico Polo*, qui natus ex *Margareta* filia *Georgii Ducis Clarentiæ* è filia *Richardi* illius *Nevill* Comitis *Warwicensis*, contulit *Henricus Octavus*, eundemque statim capite truncavit, & postea *Maria Regina Antonium Brown*, cuius avia fuit filia *Ioannis Nevill* Marchionis de *Monte-acuto*, nomine & honore *Viccomitis de Monte-acuto* honoravit, quo nepos ejus è filio hodie gaudet.

Odcombe huic adjunctum licet tenue oppidulum non omittendum, cum *Baronem* suum habuerit *Guilielmum de Brierwer* (sic enim ejus pater quia in **ericeto* natus, denominatus) cui cum aulica fortuna blandiretur, & *Rex Richardus* primus in deliciis haberet, amplexabantur & fovebant omnes, fortunas paravit amplissimas, filiarumque (nam filius sine sobole obiit) suis nuptiis familias de *Breos*, *Wake*, *Mohun*, *La-fert*, & *Percy* magnis possessionibus auxerunt. *Stoke under Hamden* huic vicinum subsidet, ubi *Gornaii* suum castellum habuerunt, & Collegium construxerunt. Hæc familia de *Gornaico*, & vulgo *Gornay* dicta, in primis antiqua & illustris erat, ex eadem stirpe qua *Warrenni* *Surriæ* *Comites* & *Mortuomarii* propagata; verum superiori sæculo defecit, & eorum hæredia nonnulla per *Hamptonos* in equestrem *Newtonorum* stirpem descenderunt, qui se è *Wallia* prognatos, & non ita pridem *Caradocos* dictos libenter agnoscunt. Nec tacendum *Matthæum Gournay* hic sepultum fuisse, virum bellicosissimum regnante *Edwardo Tertio*, qui 96 ætatis anno diem obiit, cum (ut ex inscriptione videre licuit) obsidioni *D'algizer* contra *Saracenos*, præliis *Benamazin*, *Sclufeni*, *Cressiaco*, *Ingenos*, *Pictavensi*, & *Nazarano* in *Hispania* dimicasset.

Irrigat deinde *Pedredus Martock* mercatorium oppidulum, quod olim *Guilielmus Boloniensis* Regis *Stephani* filius *Faramusio* de *Bolonia* dedit, cuius unica hæres *Sibylla* *Ingelramo* de *Fienes* in matrimonium data fuit, à quo descenderunt *Fie-*

Montacuta in *De-mesday* *Montagud*. *Annales Glasston*.

* Domini de *Monte-acuto*.

Odcombe.

* *Heath Brierwri Barones*.

Gornaii.

Newtoni.

Faramusius de Bolonia Fienes.